

ქალაქ ფოთის მუნიციპალიტეტი



გამარტივებული ელექტრონული ტენდერი

ინტერნეტ მომსახურების შესყიდვა

კლასიფიკატორის (CPV) კოდი და კლასიფიკატორის დანაყოფი - [72400000 - ინტერნეტ მომსახურებები](#)

სატენდერო დოკუმენტაცია

გამარტივებული ელექტრონული ტენდერის საშუალებით სახელმწიფო შესყიდვის პროცედურა ხორციელდება სახელმწიფო შესყიდვების ერთიანი ელექტრონული სისტემის (შემდგომში – სისტემა) მეშვეობით, „სახელმწიფო შესყიდვების შესახებ“ საქართველოს კანონისა და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად.

2016 წ.

ტექნიკური დოკუმენტაცია (პირობები)

ქალაქ ფოთის მუნიციპალიტეტის (შემდგომში - ქალაქი ფოთი) მიერ გამოცხადებული გამარტივებული ელექტრონული ტენდერის შესყიდვის ობიექტია: ინტერნეტ მომსახურებების შესყიდვა. მომსახურების სავარაუდო ღირებულება შეადგენს **14484** ლარს, დღგ-ს გარეშე. სახელმწიფო შესყიდვა ხორციელდება 2017 წლის ადგილობრივი ბიუჯეტის სახსრებით.

1. გასაწევი მომსახურების აღწერა

N	მისამართი	ტელეფონის ნომრების რაოდენობა	სიჩქარე
1	დავით აღმაშენებლის ქუჩა N12	20	4 მგბ
2	დავით აღმაშენებლის ქუჩა N12	2	8მგბ
3	წმინდა გიორგის ქუჩა N 4	1	4მგბ
4	26 მაისის ქუჩა N 7	2	4 მგბ
5	ხობის ქუჩა N 24	1	4 მგბ
6	გიორგი ჭანტურიას ქუჩა N3	1	4 მგბ
7	წმინდა ნინოს ქუჩა N4	1	4 მგბ
8	გურიის ქუჩა N59	1	4მგბ
9	გიორგი ჭანტურიას ქუჩა N3	1	4 მგბ
10	წმინდა ნინოს ქუჩა N6	1	4 მგბ
	სულ რაოდენობა	31	

შენიშვნა: შეერთების წერტილამდე საკომუნიკაციო კვანძებში ინტერნეტ მომსახურების მიწოდებისთვის საჭირო აპარატურისა და ინსტალაციის დანახარჯები გათვალისწინებული უნდა იყოს ინტერნეტ მომსახურების ყოველთვიურ საფასურში.

2. მომსახურების შესყიდვასთან დაკავშირებული მოთხოვნები:

2.1 პრეტენდენტს არა აქვს უფლება წარმოადგინოს ალტერნატიული წინადადება;

2.2 ხარჯი, რომელიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას. სატენდერო წინადადების ფასი სახელმწიფო შესყიდვების ერთიან ელექტრონულ სისტემაში მითითებული უნდა იქნეს დღგ-ს გარეშე. პრეტენდენტი არ ითვალისწინებს დღგ-ს, მიუხედავად იმისა, არის თუ არა იგი დღგ-ის გადამხდელი საქართველოს კანონმდებლობის შესაბამისად. ტენდერში შერჩევა-შეფასება ხორციელდება წარმოდგენილი წინადადების ფასების მიხედვით. გამარჯვებულ პრეტენდენტთან ხელშეკრულების დადებისას, ხელშეკრულების ღირებულებაში დამატებით იქნება გათვალისწინებული დღგ-ს ოდენობა.

2.3 **ანგარიშსწორების პირობები** - წინასწარი გადახდის მექანიზმი არ გამოიყენება. ანგარიშსწორება მოხდება უნაღდო ანგარიშსწორებით ლარში. ანგარიშსწორება განხორციელდება ეტაპობრივად, ყოველთვიურად, მიმწოდებლის მიერ შესაბამისი საგადასახადო ანგარიშ-ფაქტურის (კანონმდებლობით გათვალისწინებულ შემთხვევაში) გამოწერისა და გაწეული მომსახურების შესაბამისად გაფორმებული მიღება-ჩაბარების აქტის საფუძველზე, მიღება-ჩაბარების აქტზე შემსყიდველის მიერ ხელმოწერიდან 10 (ათი) სამუშაო დღის განმავლობაში.

2.4 მომსახურების გაწევა განხორციელდება ეტაპობრივად, 2017 წლის 01 იანვრიდან 2017 წლის 31 დეკემბრის ჩათვლით, 24 საათის განმავლობაში. მომსახურების გაწევა უნდა განხორციელდეს ზემოთაღნიშნულ ცხრილიში მითითებულ მისამართებზე მდებარე ქალაქ ფოთის მუნიციპალიტეტის ადმინისტრაციულ შენობასა და მის დაქვემდებარებულ სტრუქტურული ერთეულების შენობაში.

2.5 ფასწარმოქმნის ადეკვატურობა - „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების მე-11 მუხლის 21 პუნქტის საფუძველზე, იმ შემთხვევაში თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, პრეტენდენტმა შემსყიდველი ორგანიზაციის წერილობითი მოთხოვნის საფუძველზე, 3 (სამი) სამუშაო დღის ვადაში უნდა წარმოადგინოს (სისტემაში ატვირთოს) ფასწარმოქმნის ადეკვატურობის დამადასტურებელი დოკუმენტაცია. ფასწარმოქმნის ადეკვატურობა, შესაძლებელია დასაბუთდეს არანაკლებ ტენდერით გათვალისწინებული მომსახურების გაწევის გამოცდილების დამადასტურებელი დოკუმენტით (ხელშეკრულება, მიღება-ჩაბარება), რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

2.6 სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).

2.7 სახელმწიფო შესყიდვების ერთიან ელექტრონულ სისტემაში სატენდერო წინადადების წარდგენით პრეტენდენტი ავტომატურად გამოხატავს თანხმობას ტექნიკური დავალებით განსაზღვრულ მოთხოვნებზე.

შემსყიდველი ორგანიზაცია უფლებამოსილია მოსაწოდებელი ან/და მოწოდებული მომსახურების მოცულობის, ხარისხისა და მოწოდების ვადების ხელშეკრულების მოთხოვნებთან შესაბამისობის დადგენის მიზნით, ხელშეკრულების პირობების შესრულების კონტროლი განახორციელოს ხელშეკრულების შესრულების ნებისმიერ ეტაპზე. ხელშეკრულების შესრულების კონტროლს შემსყიდველის მხრიდან განახორციელებს ქალაქ ფოთის მუნიციპალიტეტის მერიის შესყიდვებისა და საბუღალტრო სამსახური.

3. პრეტენდენტის მიერ სისტემაში ასატვირთი მონაცემები:

ა) ფასების ცხრილს დანართი №1 - ის შესაბამისად.

ბ) პრეტენდენტმა უნდა წარმოადგინოს რეკვიზიტები დანართი №2- ის შესაბამისად.

დ) ინფორმაცია ითვლება დღგ-ის გადამხდელად თუ არა (პრეტენდენტმა შენიშვნის სახით უნდა მიუთითოს გარემოება, რის საფუძველზეც არ ითვლება დღგ-ის გადამხდელად);

აღნიშნულ დოკუმენტებზე ხელმოწერით და სისტემაში ატვირთვით პრეტენდენტი ეთანხმება სატენდერო დოკუმენტაციის ყველა იმ მოთხოვნას, რომელთა შესახებ ინფორმაციის წარმოდგენა ან/და სახელმწიფო შესყიდვების ერთიან ელექტრონულ სისტემაში ატვირთვა არ არის სავალდებულო.

დამატებითი ინფორმაცია შეგიძლიათ მიიღოთ შემდეგი საკონტაქტო პირისაგან, სატენდერო კომისიის აპარატის წევრი:

მაია სულავა ტელ: +995 493 22-45-54

მობილური 599 748 436

ელ. ფოსტა: potitenderi2011@gmail.com

წერილობითი მომართვის შემთხვევაში - ქალაქ ფოთი,

დ. აღმაშენებლის ქუჩა № 12, სატენდერო კომისია.

ინერნეტ მომსახურების შესყიდვა

ფასები ცხრილი

N	მისამართი	ტელეფონის ნომრების რაოდენობა	სიჩქარე მგბ	ერთ ერთეულზე მომსა ხურების ფასი 1 თვეში	მომსა ხურების ფასი 1 თვეში მთლიან რაოდენობ აზე	მომსახურე ბის საერთო ფასი (12 თვე)
1	დავით აღმაშენებლის ქუჩა N12	20	4			
2	დავით აღმაშენებლის ქუჩა N12	2	8			
3	წმინდა გიორგის ქუჩა N 4	1	4			
4	26 მაისის ქუჩა N 7	2	4			
5	ხობის ქუჩა N 24	1	4			
6	გიორგი ჭანტურიას ქუჩა N3	1	4			
7	წმინდა ნინოს ქუჩა N4	1	4			
8	გურიის ქუჩა N59	1	4			
9	გიორგი ჭანტურიას ქუჩა N3	1	4			
10	წმინდა ნინოს ქუჩა N6	1	4			
	სულ ღირებულება დღგ- ს გარეშე	31				

პრეტენენტის ხელმოწერა -----

ბეჭედი

პრეტენდენტის რეკვიზიტები

პრეტენდენტის სამართლებრივი ფორმა და დასახელება -----

იურიდიული პირის ხელმძღვანელის ან ფიზიკური პირის
სახელი და გვარი -----

პრეტენდენტის იურიდიული მისამართი -----

საიდენტიფიკაციო კოდი ან ფიზიკური პირის შემთხვევაში
პირადი ნომერი -----

პრეტენდენტის ტელეფონის ნომერი -----

ელ-ფოსტა: -----

ბანკის დასახელება და ბანკის კოდი -----

ანგარიშის ნომერი -----

ხელშეკრულება ინტერნეტ მომსახურების შესახებ №

წინამდებარე ხელშეკრულება ინტერნეტ მომსახურების შესახებ (შემდგომში „ხელშეკრულება“) დადებულია 2016 წლის -----

ერთის მხრივ, ქალაქი ფოთის მუნიციპალიტეტი, იურიდიული მისამართი: ქ. ფოთი, აღმაშენებლის ქ. №12, საიდენტიფიკაციო კოდი: 215138143 (შემდგომში „აბონენტი“/შემსყიდველი), წარმოდგენილი ქალაქ ფოთის მუნიციპალიტეტის მერის ირაკლი კაკულიას სახით

მეორეს მხრივ, -----

(ცალ-ცალკე, „კომპანია“/მიმწოდებელი და „აბონენტი“/შემსყიდველი მოიხსენიებიან, როგორც „მხარე“, ხოლო ერთობლივად, როგორც „მხარეები“) გამარტივებული ელექტრონული ტენდერის საშუალებით დებენ წინამდებარე სახელმწიფო შესყიდვის შესახებ ხელშეკრულებას (შემდგომში – ხელშეკრულება) შემდეგზე:

1. „ხელშეკრულების“ საგანი

1.1 საგანი - ინტერნეტ მომსახურების შესყიდვა.

1.1 წინამდებარე „ხელშეკრულების“ საფუძველზე, მისი პირობების და ტარიფების გათვალისწინებით „კომპანია“ „აბონენტს“ უწევს გარკვეულ ინტერნეტ მომსახურებას (შემდგომში „მომსახურება“).

სატენდერო განცხადების ნომერი -

შესყიდვის კატეგორია - 72400000 - ინტერნეტ მომსახურებები.

2. „ხელშეკრულების“ მოქმედების ვადა და „მომსახურების“ გააქტიურება

2.1. მომსახურების ვადები განისაზღვრება 2017 წლის 1 იანვრიდან 2017 წლის 31 დეკემბრის ჩათვლით.

2.2 ხელშეკრულების კონკრეტული მოქმედების ვადა განისაზღვრება, ხელშეკრულების ხელის მოწერის დღიდან და მოქმედებს -----

2.3. „მომსახურების“ გააქტიურება ხორციელდება „მხარეებს“ შორის გაფორმებული მიღება-ჩაბარების აქტის საფუძველზე.

3. „მომსახურების“ ღირებულება და ანგარიშსწორების წესი

3.1. „კომპანიის“ მიერ „აბონენტისათვის“ მიწოდებული კონკრეტული „მომსახურების“ საერთო ღირებულება განისაზღვრება -----

3.2. თუკი სხვაგვარად არ არის განსაზღვრული შესაბამისი „მომსახურების“ დანართით, ყოველთვიური „მომსახურების ღირებულების“ გადახდა „აბონენტის“ მიერ უნდა განხორციელდეს ყოველთვიურად, შესაბამისი საანგარიშო თვის მომდევნო თვის 25 რიცხვამდე. „მომსახურების ღირებულების“ გადახდის ვადის გადაცილების შემთხვევაში, „კომპანია“ უფლებამოსილია „აბონენტს“ დააკისროს პირგასამტეხლო გადასახდელი თანხის 0.1%-ს ოდენობით ყოველ ვადაგადაცილებულ დღეზე;

3.3. „მხარეთა“ შორის ანგარიშსწორება წარმოებს ეროვნულ ვალუტაში, უნაღდო ანგარიშსწორების წესით, „კომპანიის“ ქვემოთ მითითებულ ანგარიშზე გადარიცხვის გზით.

3.4. „მხარეები“ თანხმდებიან, რომ „მომსახურების ღირებულების“ ცვლილებები ხორციელდება „კომპანიის“ მიერ ერთპიროვნულად და ცალმხრივად. ცვლილებები ძალაშია მისი საჯარო გამოცხადებიდან, ან/და „კომპანიის“ ვებ-გვერდზე განთავსებიდან ან/და „აბონენტისათვის“ შეტყობინებიდან 10 (ათი) სამუშაო დღის გასვლის დღიდან

- 3.5 მიღება-ჩაბარების აქტის და ანგარიშგაქტურის შედგენა უნდა განხორციელდეს შემსყიდველი ორგანიზაციასთან შეთანხმებით იმის მიხედვით თუ რომელი ორგანიზაციისთვის არის განკუთვნილი შესასყიდი ობიექტი თვითმმართველობის ბიუჯეტის მიხედვით.

4. „მხარეთა“ უფლება-მოვალეობები

4.1. „კომპანია“ ვალდებულია:

- 4.1.1. „აბონენტს“ მიაწოდოს ხარისხიანი „მომსახურება“ წინამდებარე „ხელშეკრულებით“ განსაზღვრული პირობების შესაბამისად.
- 4.1.2. კეთილსინდისიერად და ჯეროვნად შეასრულოს ამ „ხელშეკრულებით“ გათვალისწინებული ვალდებულებები.
- 4.1.3. არ გაამჟღავნოს „აბონენტის“ პერსონალური ინფორმაცია, გარდა კანონმდებლობით განსაზღვრული შემთხვევებისა ან/და როდესაც „აბონენტის“ დავალიანების გადახდა ხორციელდება მესამე პირთა მიერ.

4.2. „აბონენტი“ ვალდებულია:

- 4.2.1. სრულად და დადგენილ ვადაში გადაიხადოს „მომსახურების ღირებულება“.
- 4.2.2. „მომსახურების“ მიწოდების ადგილად რეგისტრირებული უძრავი ქონების გასხვისების ან/და უძრავ ქონებაზე სარგებლობის უფლების შეწყვეტის შემთხვევაში, ერთი თვის ვადაში უზრუნველყოს „მომსახურებით“ სარგებლობის უფლების გადაცემა უძრავი ქონების ახალ მესაკუთრეზე ან მოსარგებლეზე (რომელიც „აბონენტს“ ჩაენაცვლება წინამდებარე „ხელშეკრულებაში“), ან/და წერილობით მოსთხოვოს „კომპანიას“ „მომსახურების“ მიწოდების მისამართის ცვლილება ან „მომსახურების“ მიწოდების შეწყვეტა ამ „ხელშეკრულების“ პირობების შესაბამისად.
- 4.2.3. 30 დღით ადრე წერილობით აცნობოს „კომპანიას“ მისთვის არასასურველი „მომსახურების“ შეზღუდვის ან/და შეწყვეტის შესახებ.
- 4.2.4. აირჩიოს მისთვის სასურველი „მომსახურების“ პაკეტი.
- 4.2.5. შეატყობინოს „კომპანიას“ დაზიანების შესახებ.
- 4.2.6. უზრუნველყოს შესაბამისი პირობები და მაქსიმალურად ხელი შეუწყოს „კომპანიას“, „მომსახურების“ მოწყობისთვის აუცილებელი სამუშაოების შესრულებაში.
- 4.2.7. ჯეროვნად და კეთილსინდისიერად შეასრულოს ამ „ხელშეკრულებით“ ნაკისრი ვალდებულებები.

4.3. „კომპანია“ უფლებამოსილია:

- 4.3.1. მოსთხოვოს „აბონენტს“ „მომსახურების ღირებულების“ გადახდა და „ხელშეკრულებით“ გათვალისწინებული ვალდებულებების დროული და ჯეროვანი შესრულება.
- 4.3.2. „აბონენტის“ მიერ „ხელშეკრულების“ 4.2.2. და 4.2.3. პუნქტებით განსაზღვრული პირობის გამოუყენებლობის შემთხვევაში, მოსთხოვოს „აბონენტს“ მიღებული „მომსახურების“ საფასურის გადახდა და მის დადგენილ ვადაში გადაუხდელობის შემთხვევაში, „ხელშეკრულების“ შესაბამისად განახორციელოს „მომსახურების“ შეზღუდვა ან/და შეწყვეტა.
- 4.3.3. „აბონენტის“ მიერ 4.2.6 პუნქტით განსაზღვრული ვალდებულების შეუსრულებლობის შემთხვევაში ცალმხრივად შეწყვიტოს წინამდებარე „ხელშეკრულება“.
- 4.3.4. გამოიყენოს კანონმდებლობით მისთვის მინიჭებული უფლებები.
- 4.3.5. შეზღუდოს ან/და შეწყვიტოს მომსახურების მიწოდება პროფილაქტიკური სამუშაოების განხორციელების მიზნით, რაზედაც წინასწარ შეატყობინებს შემსყიდველს. ასეთ შემთხვევებში, მიმწოდებელს არ დაეკისრება პირგასამტეხლო/პასუხისმგებლობა და ასეთი შემთხვევები არ ჩაითვლება მიმწოდებლის მიერ ვალდებულებების დარღვევად.

4.4. „აბონენტი“ უფლებამოსილია:

- 4.4.1. შეწყვიტოს წინამდებარე „ხელშეკრულება“, ამ ხელშეკრულების პირობების შესაბამისად;
- 4.4.2. მოსთხოვოს „კომპანიას“ „ხელშეკრულებით“ გათვალისწინებული ვალდებულებების ჯეროვნად შესრულება;
- 4.4.3. გამოიყენოს კანონმდებლობით მისთვის მინიჭებული უფლებები.

5. „მომსახურების“ მიწოდების შეზღუდვისა და შეწყვეტის პირობები

- 5.1. „აბონენტის“ მიერ „მომსახურების ღირებულების“ დადგენილ ვადაში გადაუხდელობის შემთხვევაში, „კომპანია“ უფლებამოსილია შეუზღუდოს ან/და შეუწყვიტოს „აბონენტს“ „მომსახურება“.
- 5.2. ნებისმიერი „მხარე“ უფლებამოსილია შეწყვიტოს წინამდებარე „ხელშეკრულება“ 30 დღით ადრე გაკეთებული წერილობითი შეტყობინების საფუძველზე, თუ მეორე „მხარე“ მნიშვნელოვნად არღვევს ამ „ხელშეკრულების“ პირობებს და თუკი ამგვარი დარღვევა არ გამოსწორდება „მხარის“ მიერ მეორე „მხარისათვის“ შეტყობინების გაგზავნიდან 30 დღის განმავლობაში.
- 5.3. ნებისმიერი „მხარე“ უფლებამოსილია შეწყვიტოს წინამდებარე „ხელშეკრულება“ იმ შემთხვევაში თუ ა) „მხარე“ გახდება გადახდისუუნარო და ბ) „მხარის“ მიმართ აღიძვრება გაკოტრების ან/და ლიკვიდაციის პროცედურა.
- 5.4. წინამდებარე „ხელშეკრულების“ ნებისმიერი მიზეზით შეწყვეტისას „აბონენტი“ ვალდებულია 30 დღის განმავლობაში სრულად აუნაზღაუროს „კომპანიას“ მის მიერ ფაქტობრივად მიღებული „მომსახურების“ ღირებულება.
- 5.5. ხელშეკრულების ვადის გასვლა/შეწყვეტა არ ათავისუფლებს შემსყიდველს შეწყვეტამდე/ვადის გასვლამდე წარმოშობილი ფინანსური თუ სხვა სახის ვალდებულებების შესრულებისგან.

6. დაზიანების აღმოფხვრის პირობები და ვადები, „მომსახურებასთან“ დაკავშირებული საჩივრებისა და პრეტენზიების განხილვა

- 6.1 დაზიანების აღმოფხვრა და „მომსახურებასთან“ დაკავშირებული საჩივრებისა და პრეტენზიების განხილვა ხორციელდება „ელექტრონული კომუნიკაციების სფეროში მომსახურების მიწოდების წესებისა და მომხმარებელთა უფლებების დაცვის შესახებ“ რეგლამენტში“ მოცემული ვადების და პირობების შესაბამისად.

7. მხარეთა პასუხისმგებლობა

- 7.1. მიუხედავად ამ „ხელშეკრულების“ სხვა დებულებებისა, „მხარეები“ თანხმდებიან, რომ „კომპანიის“ პასუხისმგებლობის (რაც ყოველგვარი შეზღუდვის გარეშე მოიცავს, პირდაპირ თუ არაპირდაპირ ზიანს, ზარალს ან/და პასუხისმგებლობას) მაქსიმალური ოდენობა „აბონენტის“ წინაშე განისაზღვრება ამ „ხელშეკრულებით“ განსაზღვრული „მომსახურების“ 1 (ერთი) თვის ღირებულებით.
- 7.2. „კომპანიას“ არ ეკისრება არანაირი პასუხისმგებლობა „აბონენტის“ მიერ „მომსახურების“ ან/და „ტექნიკური საშუალებების“ მეშვეობით მიღებულ ან/და გაგზავნილ (გატარებულ) ინფორმაციაზე/მასალაზე.
- 7.3. „მხარეები“ თავისუფლდებიან პასუხისმგებლობისგან ამ „ხელშეკრულებით“ გათვალისწინებული ვალდებულებების შეუსრულებლობისთვის ან არაჯეროვანი შესრულებისთვის, თუ აღნიშნული შეუსრულებლობა/არაჯეროვანი შესრულება გამოწვეული იყო დაუძლეველი ძალით/გარემოებებით,

რომელთა დადგომისას/არსებობისას „მხარე“, მისგან დამოუკიდებელი მიზეზების გამო, მოკლებული იყო შესაძლებლობას შეესრულებინა/ჯეროვნად შეესრულებინა ამ „ხელშეკრულებით“ გათვალისწინებული ვალდებულებები. აღნიშნულ დაუძლეველ გარემოებებს განეკუთვნება (მაგრამ არ შემოიფარგლება): ყველა სახის სტიქიური უბედურება მიწისძვრა, წყალდიდობა, ქარიშხალი, ქარბუქი და სხვა, ეპიდემია, პანდემია, სამოქალაქო არეულობა, აჯანყება, გაფიცვა, საბოტაჟი, ბლოკადა, საომარი მოქმედება, სამოქალაქო ომი, ომი, საჰაერო საგნის ზემოქმედება, საქართველოს კანონმდებლობაში მომხდარი ცვლილებები, „კომპანიის“ ავარიული სიტუაცია, თუ ეს ავარიული სიტუაცია შეიქმნა „კომპანიისგან“ დამოუკიდებელი მიზეზების გამო და სხვა—(ფორს-მაჟორული გარემოებები).

8. ტექნიკური საშუალებების გადაცემა და მათი გამოყენების წესი

- 8.1. „კომპანიამ“ შესაძლოა მისი ამ „ხელშეკრულებით“ (შესაბამისი დანართებით) გათვალისწინებული ვალდებულებების შესრულების მიზნებისთვის „აბონენტს“ დროებით სარგებლობაში გადასცეს ტექნიკური საშუალებები (შემდგომში „ტექნიკური საშუალებები“) და უზრუნველყოს ტექნიკური საშუალებების სათანადო მონტაჟი აბონენტთან.
- 8.2. „ტექნიკური საშუალებების“ აბონენტისთვის დროებით სარგებლობაში გადაცემა ხორციელდება და დასტურდება შესაბამის მიღება-ჩაბარების აქტზე (შემდგომში „მიღება-ჩაბარების აქტი“) მხარეთა ხელმოწერით. „მიღება-ჩაბარების აქტში“ აღნიშნული იქნება „ტექნიკური საშუალებების“ დასახელება. „ტექნიკური საშუალებების“ „აბონენტისთვის“ გადაცემისას, „აბონენტს“ ჩაუტარდება „ტექნიკური საშუალებების“ სათანადო გამოყენების (ექსპლუატაციის) ინსტრუქტაჟი. „მიღება-ჩაბარების აქტზე“ აბონენტის ხელმოწერა ადასტურებს, რომ:
- (I) „აბონენტს“ გადაეცა ტექნიკური საშუალებები ნივთობრივად უნაკლო მდგომარეობაში;
 - (II) „აბონენტთან“ დამონტაჟდა „ტექნიკური საშუალებები“ და ისინი გამართულად მუშაობენ; და
 - (III) „აბონენტს“ ჩაუტარდა „ტექნიკური საშუალებების“ სათანადო გამოყენების (ექსპლუატაციის) ინსტრუქტაჟი და რომ „აბონენტმა“ გაიგო და ზუსტად იცის „ტექნიკური საშუალებების“ სათანადო გამოყენების (ექსპლუატაციის) წესები.
- 8.3. წინამდებარე „ხელშეკრულებაზე“ ხელმოწერით „მხარეები“ ადასტურებენ, რომ „ტექნიკური საშუალებები წარმოადგენენ „კომპანიის“ საკუთრებას. ამ ხელშეკრულების ნებისმიერი მიზეზით მოშლის ან მისი მოქმედების სხვაგვარი შეწყვეტის შემთხვევაში, „აბონენტი“ ვალდებულია დაუბრუნოს „კომპანიას“ „ტექნიკური საშუალებები“ ამ „ხელშეკრულების“ მოქმედების შეწყვეტიდან 7 (შვიდი) სამუშაო დღის განმავლობაში, რაზედაც „მხარეთა“ მიერ ხელი მოეწერება შესაბამის მიღება-ჩაბარების აქტს. „ტექნიკური საშუალებების“ „აბონენტისგან“ მიღებამდე, „კომპანია“ ამოწმებს „ტექნიკურ საშუალებებს“ და თუ „კომპანიას“ გაუჩნდება რაიმე პრეტენზია „ტექნიკური საშუალებების“ მდგომარეობის (დაზიანება/განადგურება) გამო (ტექნიკური საშუალებების სათანადო გამოყენებით (ექსპლუატაციით) გამოწვეული ცვეთის გათვალისწინებით), „აბონენტი“ ვალდებულია „კომპანიას“ გადაუხადოს ჯარიმა „ტექნიკური საშუალებების“ გადაცემის მიღება-ჩაბარების აქტში მითითებული „ტექნიკური საშუალებების“ ღირებულების ოდენობით (შემდგომში „ტექნიკური საშუალებების ჯარიმა“). იმ შემთხვევაში თუ ამ „ხელშეკრულების“ მოშლის ან მისი მოქმედების სხვაგვარი შეწყვეტის შემთხვევაში, „აბონენტი“ არ დაუბრუნებს კომპანიას „ტექნიკურ საშუალებებს“ ამ „ხელშეკრულების“ მოქმედების შეწყვეტიდან 7 (შვიდი) სამუშაო დღის განმავლობაში, ჩაითვლება, რომ „ტექნიკური საშუალებები“ განადგურებული ან დაკარგულია და „აბონენტი“ ვალდებულია „კომპანიას“ გადაუხადოს „ტექნიკური საშუალებების ჯარიმა“. ამასთანავე „მხარეები“ თანხმდებიან, რომ „ტექნიკური საშუალებების ჯარიმის“ გადახდა არ ათავისუფლებს „აბონენტს“ „ტექნიკური საშუალებების“ „კომპანიისათვის“ დაბრუნების ვალდებულებისაგან.

9. საინფორმაციო უზრუნველყოფა, ცვლილებების შეტანა და მარეგულირებელი კანონმდებლობა

- 9.1. „აბონენტს“ „მომსახურებასთან“ დაკავშირებული საკითხების გასარკვევად და შესაბამისი ინფორმაციების მისაღებად შეუძლია დაუკავშირდეს „კომპანიის“ ცხელ ხაზს (100 200).
- 9.2. „ხელშეკრულებაში“ ან/და მომსახურების წესში, ასევე ტარიფების ცვლილებები ხორციელდება „კომპანიის“ მიერ ერთპიროვნულად და ცალმხრივად. ცვლილებები ძალაშია მისი საჯარო გამოცხადებიდან ან/და „აბონენტისათვის“ შეტყობინებიდან 10 (ათი) სამუშაო დღის გასვლის დღიდან. თუ „აბონენტი“ არ ეთანხმება ახალ პირობებს, მას უფლება აქვს აღნიშნული 10 (ათი) დღის განმავლობაში შეწყვიტოს „ხელშეკრულება“ თუ შეასრულებს წარმოშობილ ვალდებულებებს. აღნიშნულ ვადაში, „აბონენტის“ წერილობითი უარის მიუღებლობა ჩაითვლება „აბონენტის“ აქცეპტად და წინამდებარე „ხელშეკრულება“ გაგრძელდება ახალი (შეცვლილი) პირობებით.
- 9.3. წინამდებარე „ხელშეკრულება“ რეგულირდება და განიმარტება საქართველოს კანონმდებლობის შესაბამისად.
- 9.4. ამ „ხელშეკრულებასთან“, ან მის ინტერპრეტაციასთან დაკავშირებული ნებისმიერი დავა ან უთანხმოება გადაწყდება „მხარეებს“ შორის მოლაპარაკების გზით.
- 9.5. იმ შემთხვევაში, თუ ხელშეკრულებასთან, ან მის ინტერპრეტაციასთან დაკავშირებული დავის ან უთანხმოების გადაწყვეტა ვერ მოხდება „მხარეებს“ შორის ამგვარი დავის ან უთანხმოების წარმოშობიდან 20 (ოცი) დღის განმავლობაში, „მხარეები“ კანონით დადგენილი წესით მიმართავენ სასამართლოს. ამასთანავე „მხარეები“ თანხმდებიან, რომ დავასთან დაკავშირებით პირველი ინსტანციის სასამართლოს მიერ „კომპანიის“ სასარგებლოდ მიღებული გადაწყვეტილება მიქცეული იქნება დაუყოვნებლივ აღსასრულებლად.

10. საერთო პირობები

- 10.1. „მომსახურების“ გაწევა ხორციელდება სადემარკაციო წერტილამდე (ანუ იმ ვირტუალურ წერტილამდე, სადაც ხდება მხარეთა პასუხისმგებლობის გამიჯვნა).
- 10.2. „კომპანია“ არ არის პასუხისმგებელი აბონენტის მიერ ქსელში გადაცემულ ინფორმაციაზე; მომსახურების ხარისხზე, თუ ხარვეზი გამოწვეულია „აბონენტის“ ლოკალური ქსელის გაუმართაობით; ვირუსული პრობლემებით ან/და თუ „აბონენტის“ სუბიექტური მოლოდინი და მოთხოვნა აღემატება „ხელშეკრულებით“ განსაზღვრულ „მომსახურების“ ხარისხსა და მახასიათებლებს.
- 10.3. „აბონენტი“ აცხადებს, რომ მის მიერ წარმოდგენილი მონაცემები, მათ შორის მისი რეკვიზიტები, სწორია.
- 10.4. აბონენტი აცხადებს და ადასტურებს, რომ გაცნობილია და ეთანხმება კომპანიის მომსახურების წესსა და ტარიფებს;
- 10.5. აბონენტი თანხმობას აცხადებს მის მიერ მითითებული პერსონალური მონაცემები შეყვანილ იქნას კომპანიის მონაცემთა ბაზაში;
- 10.6. თუკი სხვაგვარად არ არის განსაზღვრული შესაბამისი „მომსახურების“ დანართით, ამ ხელშეკრულებით აბონენტი ყიდულობს „მომსახურებას“ და მას საკუთრებაში არ გადაეცემა რაიმე ტექნიკური მოწყობილობა ან/და ნივთი, მათ შორის, ნუმერაციის რესურსი (ტელეფონის ნომერი), რომლის სარგებლობის უფლების მინიჭებაც ხდება აბონენტისთვის;
- 10.7. ახალი ან/და გაფართოებული „მომსახურების“ გაწევის შესახებ „აბონენტსა“ და „კომპანიას“ შორის იდება დამატებითი ხელშეკრულება ან/და ფორმდება შესაბამისი „მომსახურების“ დანართი.

- 10.8. წინამდებარე ხელშეკრულების ყველა დანართი (ასეთის არსებობის შემთხვევაში) წარმოადგენს ხელშეკრულების განუყოფელ ნაწილს და მოქმედებს მასთან ერთად.
- 10.9. ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს 2016 წლის 30 იანვრის ჩათვლით.
- 10.10. ხელშეკრულება შედგენილია ქართულ ენაზე სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან: ერთი – მიმწოდებელთან, ორი – შემსყიდველ ორგანიზაციასთან.

11. მხარეთა იურიდიული მისამართები და რეკვიზიტები

„შემსყიდველი“

„მიმწოდებელი“

ქალაქ ფოთის მუნიციპალიტეტი
ს/კოდი 215138143

ქალაქი ფოთი, დავით აღმაშენებლის ქუჩა N12